

ტრენინგი სამოქალაქო საზოგადოების ორგანიზაციებისთვის

"გაეროს განვითარების პროგრამა" (UNDP) სამოქალაქო საზოგადოების ორგანიზაციებს იწვევს ტრენინგზე „ადგილობრივ დონეზე მოქალაქეთა ჩართულობის პროექტების მართვა“.

ჩვენ შესახებ:

გაეროს განვითარების პროგრამა (UNDP), დანიის მთავრობის ფინანსური მხარდაჭერით, ახორციელებს პროექტს „დეცენტრალიზაციისა და ადგილობრივ დონეზე კარგი მმართველობის ხელშეწყობა საქართველოში“ (DGG).

პროექტის მიზანია დეცენტრალიზაციისა და კარგი მმართველობის ხელშეწყობა ადგილობრივ დონეზე, ქვეყნის მასშტაბით პოლიტიკის რეფორმის მხარდაჭერით, ცენტრალური და ადგილობრივი ხელისუფლების ინსტიტუციური და ადამიანური შესაძლებლობების გაძლიერებით, ადგილობრივი სერვისების მიწოდების გაუმჯობესებით და მოქალაქეთა ისეთი ჯგუფების გაძლიერებით, როგორიცაა ქალები, ახალგაზრდები და ეთნიკური უმცირესობები. პროექტი მიზნად ისახავს გადაწყვეტილების მიღების პროცესში მოქალაქეთა ჩართულობის გაზრდას და ხელისუფლების ანგარიშვალდებულების უზრუნველყოფას. პროექტი მხარს უჭერს საზოგადოებრივ ორგანიზაციებს, რომ განახორციელონ ინიციატივები მოქალაქეთა მონაწილეობის და სოციალური ანგარიშვალდებულების ასამაღლებლად. 2020-2021 წლებში, პროექტის ფარგლებში, სამოქალაქო საზოგადოების ორგანიზაციებთან თანამშრომლობით, 11 საგრანტო პროექტი განხორციელდა.

2022 წელს, გაეროს განვითარების პროგრამა გეგმავს საგრანტო კონკურსის გამოცხადებას სამოქალაქო საზოგადოების ორგანიზაციებისთვის მოქალაქეთა მონაწილეობის და სოციალური ანგარიშვალდებულების გასაძლიერებლად საქართველოს ექვს რეგიონში: გურია, სამეგრელო-ზემო სვანეთი, იმერეთი, რაჭა-ლეჩხუმი და ქვემო სვანეთი, მცხეთა-მთიანეთი, ქვემო ქართლი.

პროექტის შესახებ დამატებით ინფორმაცია იხილეთ ბმულზე: <https://bit.ly/3mC0cGg>

ტრენინგის შესახებ:

გაეროს განვითარების პროგრამა აქტიურად მუშაობს სამოქალაქო საზოგადოების შესაძლებლობების განვითარების მიმართულებით, იმისთვის რომ ორგანიზაციებმა მოამზადონ და განახორციელონ ეფექტური პროექტები ადგილობრივ დონეზე გადაწყვეტილების მიღების პროცესში მოქალაქეთა ჩართულობის და სოციალური ანგარიშვალდებულების გასაძლიერებლად.

ტრენინგის ფარგლებში განხილული იქნება შემდეგი საკითხები:

****დიზაინ ფიქრი - ადამიანზე ორიენტირებული პროექტის დიზაინის მიდგომა**

- დიზაინი პრაქტიკაში;
- მომხმარებლის გამოცდილება;
- თანამონაწილეობითი პროექტების დაგეგმვა;
- თანამშრომლობის ახლებური მოდელები.

**** თვითმმართველობის მნიშვნელობა და ადგილი საჯარო მმართველობის სისტემაში;**

**** ადგილობრივი ბიუჯეტი და მისი მონიტორინგი;**

**** მუნიციპალიტეტის და სამოქალაქო საზოგადოების თანამშრომლობის მნიშვნელობა და შესაძლებლობები;**

**** მოქალაქეთა ჩართულობის ფორმები და პრაქტიკა.**

ტრენინგი გაიმართება 2022 წლის 5-8 ივლისს თბილისს გარეთ. ტრენინგის ჩატარების ადგილი მოგვიანებით დაზუსტდება.

განაცხადების მიღების პროცესი:

ტრენინგში მონაწილეობის მიღება შეუძლიათ სამოქალაქო საზოგადოების ორგანიზაციებს, რომლებიც რეგისტრირებული არიან და/ან ახორციელებენ პროექტებს შემდეგ რეგიონებში: გურია, სამეგრელო-ზემო სვანეთი, იმერეთი, რაჭა-ლეჩხუმი და ქვემო სვანეთი, მცხეთა-მთიანეთი, ქვემო ქართლი. ორგანიზაციის საქმიანობა უნდა უკავშირდებოდეს გადაწყვეტილების მიღების პროცესში მოქალაქეთა ჩართულობის გაძლიერებას.

ორგანიზაციიდან დაიშვება ორი წარმომადგენელი.

დაინტერესებულმა პირებმა უნდა შეავსონ სარეგისტრაციო ფორმა: <https://forms.gle/39gg9DEaUqRDkZXN9>.
რეგისტრაციის ბოლო ვადაა **2022 წლის 23 ივნისი, 18:00 საათი**. UNDP დაუკავშირდება მხოლოდ შერჩეულ კანდიდატებს.

ტრენინგი ჩატარდება ქართულ ენაზე და მასში მონაწილეობა უფასოა. გაეროს განვითარების პროგრამა (UNDP) უზრუნველყოფს მონაწილეთა სასტუმროში განთავსების და კვების ხარჯების ანაზღაურებას.